

- ⊙ Prima magnæ crus petentis uenæ propago per interiorē femoris tibiæq; sedē sub cute deorsum ad summum usq; pedē perreptans.
- Δ Propaginis ⊙ insignitæ ramus, femoris interiora ad inguina accedens.
- ≡ Diætæ propaginis ramus ad anterioris femoris regionis cutē uersus exteriora digestus.
- Π Diætæ propaginis ramus, primo tibiā mouentium musculo oblatus.
- Σ Diætæ propaginis soboles, quas in anteriore genu sedē & posteriore quoq; dispersat.
- Φ Hac sedē propago ⊙ indicata per sedē tibiæ interiorē, sub cute in uarios multiplicesq; ramos dissinditur, hicq; opportunē dum sanguinem mittimus aperitur.
- Υ Hac ad anteriore interioris malleoli sedē nuper diætæ propago ducitur, atq; uti cernere est in pedis superiora exhauritur.
- Ω Ramus a grandi uena crus petentis in anteriore coxendicis articuli regionem exporrectus, cuiusq; sedis musculis & cuti soboles utcunq; frequentes deriuans.
- 1 Ramus septimo nonoq; tibiā mouentibus musculis & cuti femoris iuxta externā ipsius sedē ramos deducens.
 - 2 Grandis uena in quintum femur mouentium musculum digesta.
 - 3,4 His duabus propaginibus inuicē cōiunctis uena cōstituitur, quæ inter musculos posteriorem femoris sedē occupantes excidens, sursum in femoris cutē ramos porrigit, quos 5 insigniui. Verū
 5. maiori ipsius parte 6 notata, sub cute per popliteū genū uel flexū fertur, & in suræ cutē numero 7. sa serie inibi digeritur, ubi 7 ascriptum spectas. Porro in delineatione, obscurus ille ramulus, qui s respicit, deorsum magis deberet ferri: neq; sat scio qua uel mea uel sculptoris negligentia, is illic desinit. Verū mediocris est negotij illum uersus 8 notam, calamo deorsum protrahere, quum in dextro crure illum non neglexerim.
 - 9 Magnæ crus petentis uenæ in duos ramos distributio, quæ hæc inter duo inferiora femoris ossis capita continetur.
 - 10 Interior diætæ diuisionis ramus, ad posteriores suram tibiæ uel uentrem constituentes musculos et
 11. ad cutē internæ sedis tibiæ suræq; digestus, inibiq; 11 insignitus.
 - 12 Diætæ iam rami quem 10 notauimus portio, secundum interioris malleoli posteriorem sedē ad internum pedis latus exporrecta.
 - 13 Exterior ampliorq; ramus diuisionis 9 insignitæ, qui mox in alias duas impares propagines digeritur.
 - 14 Diætæ modō diuisionis exterior propago.
 - 15 Exterioris diætæ modō propaginis portio externum perreptans malleolum.
 - 16 Interior illius diuisionis propago, quæ inter tibiæ & fibulæ medium quæ hæc ossa inuicē debiscunt deorsum fertur, inter musculos uidelicet posteriori tibiæ ossis & fibulæ sedis adnatos, & ligamentum quod hæc ossa secundum tibiæ longitudinem mutuō colligat.
 - 17 Diuisio interioris propaginis 16 insigniti, quæ ad medium longitudinis tibiæ perficitur. Atq; hæc alterum ramum inter calcem & tibiæ os ad pedis inferiora mittit, alterum uerō inter fibulam & calcem.
 - 18 Soboles iam ultimo commemorati rami, quæ inter tibiæ os & fibulam per membraneum eorum ossum ligamentum in pedis superiora digeritur, alijsq; uenis hæc proreptantibus commiscetur. Atq; ita quatuor ferè uenarum radices ad pedis superiora surculos porrigunt, nimirum 12, 8, 13, 15 insignitæ.
 - 19 Venarum ad digitos series indicatur. Præter hanc cauæ uenæ delineationē, & pleræq; quinti sexti et septimi librorū figuras, huc imprimis spectat quæ ad horū librorū Epitomē paruimus, & huius libri calci uarias ob causas uti commodissime fieri potuit inuendam duximus. Quotiesq; cunq; igitur in quatuor subsequentium capitum interiori margine simplex character occurrat, illum ad nudam cauæ delineationem refer, quam siue sexti Capituli libri tertij figuram, siue figuram sexti tertij libri Capituli præpositam alibi in margine uocemus, nihil interesse arbitror.

QVONAM


QVONAM PACTO VENÆ CAUÆ SOBO

les in iecoris substantia, portæ uenæ propaginibus committantur, quæq; ratione uenæ cauæ a iecore prodeat, aut in ipsum ramos diffundat. Caput VI.

Quoties alicubi in interioribus marginibus figuram sexti Capituli libri tertij scribimus, nudam uenæ cauæ delineationem indicamus, ne semper addendum sit, figura sexto Capiti præposita.



ROLINE admodum de uenæ cauæ exortu agendum esse, si quis autorum cōtrouersiam in medium adferendam arbitrareretur, cum pleræq; Galeni loca, ipsius operibus passim interiecta, tum maxime sextus de Hippocratis et Platonis dogmatibus liber attestantur, quæ uniuersum huic quæstioni, ex quo nam uiscere uenis origo ducatur, dedicauit. Si enim ex proposito eadem disceptatio mihi aggredienda foret, ne utiquam Galeni argumenta oscitanter præterire liceret, quin singula seorsim essent accuratissimo studio examinanda, & quæ uera, & quæ falsa ducerem, enarranda. Haudquaquam enim adeo Galeni uerbis acquiescendum est, ut omnia quæ illic in Aristotelem congerit, uera in dubitataq; esse ducamus. Vti iam in sermonis progressu, qui ueram uenæ cauæ seriem enarraturus est, cuius reddetur obuium. Quippe relicta de uenæ cauæ ortu (de quo non immerito Herophilus ille Anatomicorum coriphæus ambigebat) contentione, ipsius distributionem aggrediar, quam quidem a corde auspicarer, si modò à maxima amplissimaq; uenæ cauæ sede hanc auspicandam opinarer. Nam contra Galeni placitum, in Aristotelicæ sententiæ robur, uelimus noli, nobis quantum uis etiam ringentibus, fatendum erit, uenæ cauæ orificium quod ad dextrum cordis sinū pertinet, amplius esse, quàm uenæ cauæ corporis amplitudinē, quacūq; etiam ex parte hæc metiendam duxeris. Deinde subsequens Caput commentum Galeni falsum esse docebit, quo cauam, quæ iecoris gibbo committitur, amplissimam esse astruit, quodq; illam statim ab exortu in duos truncos arteriæ magnæ modo findi, ac unum superiorem petere, alterum uerò deorsum explicari, & postmodum ex illis truncis eum qui deorsum secundum lumborum uertebras fertur, grandiorē esse tradit. Vnde etiam ilico in Galenum propria ipsius iacula, quæ ex fontium fluuiorumq; ductibus & arborum radicibus tanta industria et callidè texuit, repellenda ueniunt. Eodem modo Galeni dogma prorsus est respuendū, quo uenam cauam ex corde prodiere inficiatur, quod illic non similiter, ut magna arteria, enascatur, hoc est, quod mox ab ortu in duos truncos nō diuidatur, sed rectā secundum cordis latus ducatur. Primum enim, ut falsum & dissectionis professori indignissimum est, Galeni axioma, quo uenam iecoris gibbo pronatam in duos truncos, perinde ac magnam arteriam, partiti affirmat: ita etiam non sua demonstratiua methodo concludit, hac occasione cauam à corde non oriri, quod rectā secundum cordis latus porrigatur. Nam si quis arteriæ ortum attentè examinauerit, animaduertet profecto (quod & Galenus nō ignorabat) illam e cordis basis medio tanquam ex ipsius centro enasci, ac proinde si arteriæ pars aliqua deorsum ducenda fuerit, ab ortu statim arteriā necessariō diuidi oportuisse. Venam autē quæ ex cordis basis latere (ut pote uas mollius quàm arteria) secundū Aristotelis sententiā enascetur, nō oportuit in duos truncos statim ab ipso ortu discindi, quum citra diuisionem peropportunē sursum deorsumq; repere possit, illaq; diuisio in cassum fieret, præterquam quod prorsus esset inartificiosa. Nam si hinc prodiens uena, arteriæ modo bifurcatur, primum ipsius origo & caudex aliquousq; in dextram thoracis sedē omnino proreperet, ac inde primum diuideretur, cuius diuisionis trunci denuō sinistrorsum deberēt duci, si modò uersus corporis mediū (ut nūc fit) cauæ caudex porrigi debuisset. Accedit huc Galeni argumentū, nūc nō grauissimè ab ipso resumptū: Si cor uenarum esset principiū, omnes uenas necessariō oportuisse ad cor ptingere, uti sanè ad iecur pertingunt, quasi uerò



HAC figura finitæ cauæ seriem, quam necessariō moliretur, si in duos truncos ad cordis dextrum latus discinderetur. Quod autem hoc Galeni argumentum toties ab ipso repetitum, et optima demonstratio nis loco habuit, accuratius obserues, cōfer præsentem figuram cum aliquot sexti libri et potissimum cum quinta, & etiam cum totius cauæ figura, ut animaduertas quæ illa citra diuisionē obliquari oportuerit, ut ex dextro dorsi latere ad ipsius medium pertingeret.

8. si. ca.
12. si. ca.
13. si. ca.
15. si. ca.
16. si. ca.
17. si. ca.
18. si. ca.
19. si. ca.
20. si. ca.
21. si. ca.
22. si. ca.
23. si. ca.
24. si. ca.
25. si. ca.
26. si. ca.
27. si. ca.
28. si. ca.
29. si. ca.
30. si. ca.
31. si. ca.
32. si. ca.
33. si. ca.
34. si. ca.
35. si. ca.
36. si. ca.
37. si. ca.
38. si. ca.
39. si. ca.
40. si. ca.
41. si. ca.
42. si. ca.
43. si. ca.
44. si. ca.
45. si. ca.
46. si. ca.
47. si. ca.
48. si. ca.
49. si. ca.
50. si. ca.

i 2 uare,